

ლაითურლები მიწას ითხოვენ

ლებიც ოლიგარქების და ფეოდალების ხელშია. შეიძლება თუკა პროკურატურაში გვაქვს შეტანილი სარჩელო-აცხადებდნენ საინიციატივო ჯგუფის წევრები.

გიორგი ჩხაიძე შეპირდა ლაითურლებს, რომ დაეხმარებოდა მათ პრობლემის მოგვარებაში.

მუნიციპალიტეტის გამგებელმა **კონსტანტინე შარაშენიძემ** თქვა, რომ იგი კარგად იცნობდა ლაითურელთა პრობლემას და ოურისტებთან საკითხის გავლის შემდეგ დააზუსტებენ, თუ რა თანხას მოითხოვდნენ ლაითურელთა მიწების მფლობელი კომპანიები. გაბეგვლი მათ კომისიის ჩაყვანას და მათთან ერთად პრობლემის გადაჭრას შეპირდა.

საინიციატივო ჯგუფის ერთ-ერთმა წევრმა შეხვედრაზე წამოაყენა

ულტიმატუმი, თუ ხელისუფლება 5 დღის განმავლობაში პრობლემას ვერ მოაგვარებდა, უკიდურეს ზომებს მიმართავდნენ.

გურიის გუბერნატორის თქმით, აქცის მონაწილეებს აქვთ უფლება მოიქცნენ ისე, როგორც უნდათ, ეს პრობლემა ხუთ დღეში არ გადაწყდება.

საბოლოოდ აქციის მონაწილეების და ხელისუფლების შეხვედრა მშვიდობიანად დასრულდა. ხელისუფლებამ გლეხების და კომპანიების ხელმძღვანელების შეხვედრას გეგმავს. გადაინიშება მოცვის ფირმა „ვანრიკის“ ფართობების რაოდენობა.

სამშაბათს, დაბა ლაითურში ხელისუფლებისაგან შექმნილი კომისია მუშაობას დაიწყო.

მიმართვა ყველასე დიდ ხელისუფალს - ხალხს!!!

ჩვენო ძვირფასო მკითხველო, თქვენ უკვე ფლობთ ინფორმაციას, რომ 2014 წლის 28 იანვარს, გაზეთ „პო და არას“ ჟურნალისტებზე მოხდა თავდასხმა.

ბრბოს ინსტიტუტით „შეიარაღებული რამდენიმე ადამიანი პირადი ინტერესების გამო შეეცადა სასტიკად გასწორებოდა პრესის მუშაკებს, იმ ადამიანებს, რომლებიც უკვე 15 წელია ერთგულად, რუდუნებით, თავდახრით გემსახურებთ თქვენ – უბრალო ადამიანებს. თქვენ, ვინც ჭკაპანწყვეტით ცხოვრობთ ხვალინდელი უკეთესი მომავლის იმედით. თქვენ, ვინც მიუხედავად მრავალი იმედგაცრუებისა, კვლავაც იმედის თვალთ უყურებთ ქვეყნის მომავალს.

ფაქტი განსაკუთრებით ყურადღებასიკაცვია ერთი მიზეზის გამო: კარგა ხანია, გამოკვეთილია ადამიანთა ჯგუფი, რომელიც თავს ასალებს ახალი ხელისუფლების მოამბედ და ცდილობს სრულიად ლანჩხუთს თავს მოახვიოს თავისი ცილამტკაველური ინტერესები.

ჩემი ღრმა რწმენით, ისინი ხელს უშლიან, ავტორიტეტს უფუჭებენ ხელისუფლებაში მყოფ იმ ადამიანებს, რომელთაც ოფიციალურად აქვთ პასუხისმგებლობა აღებული ხალხის წინაშე.

ამიტომაც მოგუწოდებთ შესაბამის ორგანოებს, ამჯერად მაინც მიიღონ საჭირო ზომები, რათა რაიონში აღიკვეთოს მავანთა პარაზიზი.

ბოლო ხანებში განვითარებულმა მოვლენებმა ყველა ჩვენგანი დაარწმუნა, რომ მესია არ არსებობს. არსებობენ ადამიანები, რომლებმაც შეიძლება რაღაც გარკვეული მისია აიღონ თავის თავზე, შეასრულონ ეს მისია და შემდეგ თავის გზას გაუყვანენ. საქვეყნო გზა კი უწყვეტია და იგი ძალიან გრძელია. მთავარია, ეს გზა ტაძრისკენ მიდის თუ არა. მე, პირადად ვხედავ ამ ტაძარს, ოღონდ ძალიან შორს.

ერთი კია, ტაძრამდე მისვლა ადვილი არ არის და მთავარი მგზავრები ამ გზაზე უნდა ვიყოთ ჩვენ, უბრალო ადამიანები.

გვეგვირდეთ, რომ ყველა ხელისუფალზე დიდი ხელისუფალი ბრძანდებით თქვენ – ხალხი!

ამიტომაც მოგიწოდებთ, გავერთიანდეთ, დავდგეთ პირად ზრახვებზე მაღლა და ერთად ვიზრუნოთ ჩვენი ნათელი მომავლისთვის. შემოგვიერთდით, რათა გავძლიერდეთ!!!

ნონა გიზინიძის მიმართ

პ.ს. მაღლობა ყველას, ვინც უკვე გამოხატა თავისი დამოკიდებულება მომხდარის გამო.

გაზეთი „პო და არას“, 31 იანვარი

გაზეთ „ალიონის“ რედაქცია გმობს გაზეთ „პო და არას“ ჟურნალისტებზე თავდასხმას და მოუწოდებს სამართალდამცავებს დროულად გამოიძიონ აღნიშნული ფაქტი.

ოზურგეთში საპატრულო სამსახური იქნება

გასულ პარასკევს ოზურგეთში შსს მაღალჩინოსნები იმყოფებოდნენ. ისინი გურიის შსს სამხარეო სამმართველოს ხელმძღვანელებთან ერთად საპატრულო სამსახურის შექმნასთან დაკავშირებით ოფისის პირობებს არკვევდნენ.

როგორც გვაცნობეს, საგზაო საპატრულო სამსახური ოზურგეთის სამოქალაქო რეესტრის შენობის მეორე ფლიგელში უნდა განთავსდეს. სხვა დამატებითი ინფორმაცია ამ ეტაპზე არ ხმაურდება.



„... ისევ დგას დღის წესრიგში ... ბედი ხვალის“

ნინო ნიკოლაიშვილი

მომიტევოს დიდი პოეტის სულმა მისი ლექსის ასე დანაწევრება. ქართლის ბედის დღის წესრიგში ყოფნა, სადაო არ უნდა იყოს, მაგრამ, რა საკითხები მოიარება განსახილველად და ვის რა მიზანი, თუ ინტერესი გააჩნია ამ მიმართებით, ეს ნამდვილად სადაოა და ამაზე ხშირადაც დავობენ. მით უმეტეს, როცა მეორე დიდი მწერალი გულისტკივილით გვიკითხინებს არც ისე შორეული წარსულიდან – „იყიდება საქართველო“ მერე ამ გაყიდვით, გაჩუქებით, ან სხვადასხვა მაქინაციებით ხელმომთხარნი ხშირად კეთილი ადამიანების ნიღბებსაც იფარებენ და თავიანთი „ნაშრომ-ნაღვაწით“ „სულდამშვიდებულნი“ სხედან საგარძობებში, და უფრო დიდი „სივრცეებისკენ“ ილტვიან. ეს ტკივილი არახალა და სამწუხაროდ ჩვენი მძიმე შემკვიდრებაა. მათგან ერთ-ერთი გახლავთ გურიანთა-ვაშნარის ნოქალაქევის მიმდებარე ტერიტორიის გასხვისება, სადაც კომუნისტების ეპოქაში ააშენეს ჩაის ფაბრიკა. (იხილეთ წერილი „ეპოქურება, თუ არა საფრთხე გურიანთა-ვაშნარის ნაქალაქარს“ გაზეთი „ალიონი“ №3, 28 იანვარი,) ამ საკითხის განხილვა მოხდა ოზურგეთის დემოკრატიული ჩართულობის ცენტრში. შეხვედრის ინიციატორები გახლდათ ოზურგეთის ისტორიული მუზეუმი და ექვთიმე თაყაიშვილის სახელობის გურიის მხარის მუზეუმ-ნაკრძალის მმართველი, კულტურული მემკვიდრეობის ნაციონალური სააგენტოს წარმომადგენელი დავით ზურციძე.

მუზეუმის ფონდების მცველმა მანანა ლომაძემ წარმოადგინა მკვლევართა მასალები, სადაც ასახულია ამ ტერიტორიის ისტორიული მნიშვნელობა და ისაუბრა იმ ეტაპობრივ ქმედებებზე, რამაც ამ ტერიტორიას მიაყენა უდიდესი ზიანი. – „ჩვენ არ ვსაუბრობთ პიროვნებებზე, მაგრამ როცა კულტურულ ძეგლებზე ვსაუბრობთ, ათვლას ვიწყებთ ვაშნარიდან, დღეს სვამენ კითხვას, აქვს, თუ არა სტატუსი ძეგლს? როცა იქ წლების წინ შესაბამისი ფირნიში გაგაკეთეთ, ჩათვალეს, რომ, მხოლოდ ამ ფირნიშის მიმდებარე ტერიტორია შედიოდა მასში და არ იცოდნენ, რომ იქ იყო მთელი კომპლექსი ციხეკალაქისა.“

გაუგა ტრაპაიძე, მუზეუმის დირექტორი: „ამ ძეგლის შესწავლით შესაძლოა უნიკალური მასალა გახდეს ცნობილი ოზურგეთის ისტორიისა. აუცილებელია ერთობლივი აზრის შემუშავება, იქნებ გადაწყვიტოს არქეოლოგიური შესწავლა ამ ძეგლისა. ტერიტორიის ნაწილის ამჟამინდელი მესაჭიროე ამას ხელს არ შეევიშლის.“

ეროვნული ფორუმის ოზურგეთის ორგანიზაციის ხელმძღვანელის შოთა გოგიბერიძის თქმით, ამ ტერიტორიის გასხვისება ანალოგიურია სხვა ფაქტებისა, როცა ყოფილი ხელმძღვანელები კაპიკებად იგდებდნენ ხელში სახელმწიფო ობიექტებს და მათი შესაკუთრებები ხდებოდა.

– „ეს არის ანალოგი, როგორ გაიყიდა ყველა ფაბრიკა და ობიექტი, ამაში ჩართულნი იყვნენ ამ ობიექტების ყოფილი ხელმძღვანელები, რომლებმაც კონკრეტული ჩინოფნიკების დახმარებით მოახერხეს მათი დასაკუთრება მიზერულ ფასად. კომერციული ინტერესისთვის ამ ტერიტორიის გამოყენება არ შეიძლება. ამაზე პასუხისმგებლობა უნდა აიღოს კულტურის სამინისტრომ, კონკორდატის მუხლით ეს საკითხი კულტურის სამინისტროსა და საპატრიარქოს ერთობლივი მუშაობის თემა უნდა გახდეს. გამოვიყენოთ საზოგადოებრივი რესურსი და თუ საჭირო გახდება შევადგინოთ შესაბამისი პეტიცია.“

გალერეის დირექტორის, ავთანდილ თავართქილაძის თქმით მხოლოდ კაცის კვლა არ არის დანაშაული, ნებისმიერი მსგავსი ფაქტი დანაშაულია ერის, მისი ისტორიის წინაშე. ეს ტერიტორია არ უნდა შესულიყო გაყიდვის ობიექტებში. ამაზე ყველამ პასუხი უნდა აგოს.

ღმრთისმშობლის მიძინების სახელობის ოზურგეთის

პ.ს. დემოკრატიული ჩართულობის ცენტრში გამართული შეხვედრის შემდეგ გაზეთი კვლავ დაუკავშირდა გურიის არქეოლოგიური ექსპედიციის ხელმძღვანელებს ვაჟა სადრაძეს და მერაბ ძნელაძეს.

ჩვენს კითხვაზე, ჰქონდა თუ არა ვაშნარის ნოქალაქევის ძეგლის სტატუსი, გვიპასუხეს, რომ **საქართველოს კულტურის სამინისტროს 2006 წლის 30 მარტს №3/1133 ბრძანებით ვაშნარის ნოქალაქევის მიმდებარე ტერიტორია სტატუსი.**

კულტურის ძეგლს კანონი იცავს.

საქართველოს კანონში „კულტურული მემკვიდრეობის შესახებ“ წერია: „კულტურული მემკვიდრეობის დამცავი ზონა (დამცავი ზონა) – კულტურული მემკვიდრეობის უძრავი ობიექტების ირგვლივ ან/და მათი გავრცელების ან გავლენის არეალში ამ კანონით დადგენილი წესით



28/01/2014 13

საკათედრო ტაძრის წინამძღვარი, დეკანოზი ბასილი (კვიციანიძე): – „ჩვენი დანაშაულია, რომ ამ ძეგლს ვერ ვაპროტექტობდით, და მისი გაყიდვით ფაქტი სახეზეა. არ ვიცით, რამდენ სიწმიდეს შეიცავს ეს ადგილი, ამიტომ ყოველგვარი დაპირისპირების გარეშე უნდა მოვებნოთ სწორი გზა. ადამიანმა უნდა იცოდეს რა განძი აქვს მას. დარწმუნებული ვარ, ჩვენი მოსახლეობის 10%-ზე მეტს არ ეცოდინება ამ ძეგლის ფასი. ბევრ ქვეყანაში არ იყიდება ადგილი შესწავლის გარეშე. არ ვიცით, რამდენად შესაძლებელი ამ ეტაპზე არქეოლოგიური შესწავლა, მაგრამ უნდა მოვანერხოთ და ეს ტერიტორია უნდა გამოაცხადოთ ნაკრძალად, რომ ის კანონმა დაიცვას და როცა შესაძლებელი იქნება, მაშინ მოხდება შესწავლა.“

გურიის არქეოლოგიური შესწავლის მნიშვნელობასა და კულტურულ ძეგლებზე ისაუბრა **მამა იოსებმა (ნაკაიძე)**, მხატვარმა **ვასტანგ მამიფილიამ**, საზოგადოებამ „სანთელის“ ხელმძღვანელმა **გივი გორგოშიძემ**, რომელმაც ყურადღება გაამხვილა ოურიდოულ მხარეზე – ძეგლი უნდა დაიცვას კანონმა.

შეხვედრაზე იყო საუბარი გასხვისების კანონიერებაზე. ითქვა ისიც, რომ მხოლოდ 2,1 ჰა. მიწის ნაკვეთია გასხვისებული, რასაც გაზეთ „ალიონის“ რედაქტორმა **ნუგზარ ასათიანმა** უპასუხა: – „საკმაოდ ბევრი მასალა არსებობს ამ ფაქტების შესახებ. აქ საუბრობენ, მაგრამ დოკუმენტები სხვას გვეუბნება. არა მხოლოდ 2,1 ჰა, მიმდებარე სხვა ფართობებიცაა გაცემული პრივატიზებით (ეს საკრებულოს თავმჯდომარის მოადგილე ავთანდილ მექვაბიშვილმაც ასწავინა თავისი გამოცდილების დროს). სტატუსზე საუბრობენ, ამ ძეგლის გადარჩენაზე ზრუნვა ვერ კიდევ 1998 წელს დაიწყო არქეოლოგ მერაბ ძნელაძის ძალისხმევით, როცა მუზეუმს გურიანთა-ვაშნარის სახელი ეწოდა. მართალია, ერთმანეთს არ უნდა დაუპირისპირდეთ, მაგრამ პასუხი უნდა გავცეს კითხვებს, კეისარს კეისრისა და უფალს უფლისა უნდა მივაგოთ. მძიმე მდგომარეობაშია უძველესი აბანოების ნაშთები, ორი წელია ათოვს და აწვიმს მას, სანაგველად ქცეული, თუნდაც დროებითი გადახურვისთვის ვამბობთ, არ გვაქვს საშუალება, სამაგიეროდ გვაქვს პრეპიებისთვის თანხები, რა შეიცვალა ამ ხნის განმავლობაში, ვცხოვრობთ ისე, როგორც ვცხოვრობდით ორი, სამი წლის წინ.“

ავთანდილ მექვაბიშვილი: – ფაქტობრივად ძეგლი მიწასთან გასწორებულია, მაგრამ მიწის ქვეშ დიდი მასალაა. ვსაუბრობთ იმაზე, რა გააკეთეს კომუნისტებმა და სად ააშენეს ჩაის ფაბრიკა, ჩვენ უკეთესი ზომ არ გავგვიკეთებია. სამწუხაროდ არ ვართ განებივრებული კულტურული ძეგლებით. აქ მართლ ამჟამად გასხვისებული ტერიტორია არ არის, იქ სხვა მიმდებარე ტერიტორიაა გასხვისებული პრივატიზებით, ამ ადამიანებთან უფრო რთული იქნება მუშაობა. მთავარია ოურიდოული მხარე ჩამოვაყალიბოთ, მივიწივოს სტატუსი, მივიღოთ შემდგომი მუშაობის გადაწყვეტილება, შევადგინოთ შესაბამისი კომპეტენტური კომისია.

განსაზღვრული ტერიტორია, რომლის ფარგლებში მოქმედებს ექსპლუატაციის განსაკუთრებული რეჟიმი და როლის დანიშნულება, მის საზღვრებში არსებული კულტურული მემკვიდრეობა დაიცვას არასასურველი ზეგავლენისაგან. (თავი I, მუხლი 3, პარაგრაფი კ.

გაზეთ „ალიონის“ რედაქციის აზრით, უახლოეს ხანში უნდა შედგეს გურიის პირველი პირებისა და ოზურგეთის მუნიციპალიტეტის ხელმძღვანელების შეხვედრა გურიის არქეოლოგიური ექსპედიციის ხელმძღვანელებთან და ერთად იმსჯელონ ამ მეტად მნიშვნელოვანი თემის შესახებ, რადგან მომავალშიც, როგორც გასული საუკუნის 40-იანი წლებში, ისევ მოსალოდნელია ტრაქტორებით კიდევ ერთხელ გადაუარონ ჩვენს წარსულს და გურიის უძველესი საგაულო დედაქალაქის მიდამოებში თხილის პლანტაცია ვიხილოთ.

ოზურგეთელი ქალბატონი ასი წლის გახდა

სოფ. მერიამში, მცხოვრები დღესაც იხსენიებენ გონიერ და გამრჯე კაცის ჯამულეთ სეფერ-თელადის სახელს. ზოგი მის ვენ-ასში დაწურულ ღვინოს იხსენებს, ზოგი მის რკინიგზელობას, ზოგი ჯამულეთის „საცივს.“ მაგრამ მთავარი მაინც მისი ლამაზი, მრავალშვილიანი ოჯახი იყო, სადაც ღირსეული მეუღლე ფედოსი ნინიძესთან ტრადიციებისადმი ერთგულება, პატიოსნება და სტუმრისადმი „მობრძანდი“ მუდამ არსებობდა.



როცა მალღობზე, ძველი საცხ-ოვრისი დატოვებს და უფრო ქვემოთ ჩამოსახლდნენ, ჯამულეთმა დაახლოებით 1935 წელს, ძველ ეზოში „ცოლიკაურის“ ვაზის ჩასაყრელად მიწა გადააბრუნა თურმე. უძველესი სამარხი ქვევრები ნახეს დამარხულ. ერთ-ერთ სამარხში თუნგი და სხვა ნივთებიც ინახებოდა...

ჯამულეთს ისეთი დიდი ავტორიტეტი ჰქონდა სოფელში, მეზობლები კოლექტივიზაციის დასაწყისში ამბობდნენ: „თუ ჯამულეთი გადაწყვეტს, ჩვენაც შევალთ კოლექტივში“...არ შევიდოდნენ და...

თეო, თამარი, კაკალა, ზინა, კაკო, გერმანე, თინა, ცაცია...

კაკო 22 წლისა წავიდა ომში და აღარ დაბრუნებულა. ჯამულეთი სიკვდილამდე ამ ომზე გამოშვებულ ყველა წიგნს კითხულობდა, იქნებ შვილის სახელს სადმე გადაწყვიტოდა...

ადვილად არ წყვეტდნენ შვილები ოჯახის შექმნის თემას. ქალბატონმა თეომ ბედი ნაღობლეველ ქრისტეფორე ბაქანიძეს დაუკავშირა. თეომ 2012 წელს 100 წელი შეასრულა. შარშან გარდაიცვალა.

თამარი ნატანბელ სამსონ ნაკაიძეზე დაქორწინდა. ოთხი ვაჟი შეეძინათ. თამარი აღრე გარდაიცვალა.

ბოლოსწინა თინა გერმანიაში გაჰყვა ქართველ სამხედრო ექიმს გიორგი ჯინორიას. წლების შემდეგ ოზურგეთში ჩამოვიდნენ... ოჯახში ჯამულეთის ტრადიციებს გერმანე აგრძელებდა...

ქალბატონი კაკალა საუცხოო ნიჭით გამოირჩეოდა. იგი თეოზე ორი წლით იყო უმცროსი. სკოლაში კარგი სწავლის გარდა მუსიკალური ნიჭით იყო დაჯილდოებული. სოფელში კი ერთ-ერთმა პირველმა შეი-სწავლა სამედიცინო საქმე და „ნემსის გაკეთება“ მის დასახლებებში მხოლოდ მან იცოდა. უბნის „ექიმს“ უწოდებდნენ. სოფლის საბავშვო ბაგაში მუშაობდა წლების განმავლობაში.

ამ დიდი ოჯახის შთამომავალია პედა-გოგები რუსუდან და ზირა ბაქანიძეები, რევაზ

ჯინორია, ექიმი-სტომატოლოგი ლილა ჯინორია...

ქალბატონი კაკალა უმცროს და ცაცასთან და რძალ მაცვალასთან ერთად ყოველთვის იყო საუკეთესო მასპინძელი... – ჰყვებიან სოფელში.

ეზოში შესვლისთანავე ახლაც ყურადღებას იქცევს კარგად შემონახული ბეღელი, ნალია, სამზადი, ჩამური... თურმე ომის წლებში ამ ჩამურით ამუშავებდნენ ეზოში მოწვეულ ბრინჯს...

5 იანვარს სეფერთელაძეების ოჯახიდან მეორეს – ქალბატონ კაკალას შეუსრულდა ასი წელი.

–საუკუნუნანხვერის ამბავიც გაიხსენეს. მათ ბაბუა როსტომს დაწყებითი გიმნაზია ჰქონდა დამთავრებული და კარგად ფლობდა რუსულ და თურქულ ენებს. ბათუმში სავაჭრო სახლში მუშაობდა. ბებია მეღვინეი ღვინოთი თურმე თურქებს გაეტაცებოდათ და ერთ-ერთ უშვილო ბეგს წაეყვანა. წლების შემდეგ იგი ბაბუას გამოუსყიდია და სამშობლოს დაუბრუნდა... ბაბუას შეუყვარდა და მათ შთამომავალთ დღესაც ასსოვთ მეღვინეი ბებიას „ნაცრიანი კეერის“ გემო.

30 იანვარს მათ ოჯახს სოფ. მერიის საჯარო სკოლის „დედეკაცია“ დირექტორის მოადგილე ციური ბაბილოძე და მოსწავლეთა თვითმმართველობის წევრები ანა ცხომელიძე, ქეთი ღვინოძე, გიორგი ბროლაძე ესტუმრნენ და საიუბილეო თარიღი მიულოცეს...

ქალბატონმა კაკალამ გაიხსენა, რომ იგი ჯერ ადგილზე, ხოლო შემდეგ სოფ. საღმრთოს სკოლაში სწავლობდა. მან პედაგოგებიდან შალვა ქინქლაძე გაიხსენა და რამდენიმე თანაკლასელის სახელი და გვარი....

–სტუმრებს საკადრისად თუ დახვდით–ჩუმად შეეკითხა რძალს და მისიშვილს მაიკოს და დადებითი პასუხი რომ მიიღო, კმაყოფილმა სტუმრებთან ერთად სამასსოვრო სურათიც გადაიღო...

მარინა სუნგულია რესპუბლიკური პარტიის ადგილობრივ ლიდერად აირჩიეს

ოზურგეთის დემოკრატიული ჩართულობის ცენტრში საქართველოს რესპუბლიკური პარტიის ოზურგეთის ორგანიზაციის კრება გაიმართა. კრება დახურულ რეჟიმში ჩატარდა და მას ჟურნალისტები არ ესწრებოდნენ.

კრების მუშაობაში მონაწილეობდა საქართველოს რესპუბლიკური პარტიის თავმჯდომარე ხათუნა სამნიძე.

როგორც ამ პარტიის ოზურგეთის ორგანიზაციის წევრმა ტიფო მიქატაძემ გვითხრა, კრებაზე განიხილეს საქართველოს რესპუბლიკური პარტიის ორგანიზაციული განვითარების სტრატეგია. ისაუბრეს შიგა კოალიციურ და ადგილობრივი თვითმმართველობის არჩევნებისათვის მზადების საკითხებზე.

აირჩიეს რესპუბლიკური პარტიის ოზურგეთის რაიონული ორგანიზაციის კომიტეტი და სარევიზო კომისია.

შემდეგ გაიმართა კომიტეტის სხდომა.



სხდომამ საქართველოს რესპუბლიკური პარტიის ოზურგეთის ორგანიზაციის თავმჯდომარედ მარინა სუნგულია აირჩია.

რაც შეეხება ტიფო მიქატაძეს, მისი თქმით, იგი ამ პარტიის რიგით წევრად რჩება.

ოზურგეთში საქართველოს პატრიოტთა ალიანსის სამოქალაქო დარბაზი შეიქმნა

ენო ნიკოლაიშვილი

ოზურგეთის საზოგადოების ნაწილი დემოკრატიული ჩართულობის ცენტრში საქართველოს პარტიოტთა ალიანსის მხარდასაჭერად შეიკრიბა. აქ არა მხოლოდ პოლიტიკური გაერთიანების წევრები, საზოგადოების სხვა წარმომადგენლებიც ომყოფობდნენ.

შეკრება ადვოკატმა, პოლიტიკური გაერთიანების წარმომადგენელმა **გორა დიმიტარი-შვილმა** გახსნა და იმ პრობლემებზე ისაუბრა, რაც მისი თქმით, დიდი მოლოდინის მიუხედავად, კვლავ გამოუსწორებელია და არც არავინ ცდილობს მის გამოსწორებას.

ქვეყანაში შექმნილი მდგომარეობა ადვოკატმა **რევაზ გობრონიძემ** ასე შეაფასა: – „ბევრი ქონება გაიყდა უკანონოდ, ბევრიც კვლავ იყიდება. არავინ ცდილობს სამართლიანობის აღდგენას. ოზურგეთში ვცხოვრობთ და რას ვგრძნობთ? შეიქმნა კარჩაკეტილი წრე, ისინი თავიანთთვის არიან, ჩვენ ჩვენთვის. რატომ უნდა ვცდილობდეთ სხვის დამსჯავსებს, როდესაც ჩვენ ამხელა ისტორია და ფესვები გავაგანია.“

დარბაზის შექმნის ინიციატივაზე ისაუბრა **ზაურ კოსტავამ**: – ათწლეულზე მეტია, უარესდება მდგომარეობა ჩვენს ქვეყანაში, მე ამ პოლიტიკური გაერთიანების იდეოლოგია მომეწონა და ამიტომ გადაწყვეტიე მხარდაჭერა დარბაზი შემექმნა. მანვე ისაუბრა წინა წელს სოფლის მეურნეობის ბარათების დარიგების მანკიერ მხარეებზე, რაც მისი თქმით, არ გაუმჯობესდა, ისეთივე ფორმით გრძელდება დღეს და ასეთი დახმარება შედეგის მომტანი ვერ იქნება.

– დღეს ქვეყანა უცხოურ პროექტებზეა გადასული, მაშინ, როდესაც ამხელა ინტელექტუალური პოტენციალი გავაგანია, მეცნიერ-გამომგონებელთა უმრავლესი სახლებში

გამოკეტეს და არსად ფიქსირდება მათი მოქალაქეობრივი პოზიცია. ქვეყნის მმართველობა, რაც სააკაშვილის რეჟიმმა მოახერხა და გრძელდება დღესაც, არის არაკომპეტენტური, ქართველებმა უნდა დაიწყოს თვითგაწმენდის პროცესი; ასეთი ორგანიზაციები უნდა შეიქმნას თითოეულ სოფელში, რათა უკეთ წარმოინდეს ქვეყანაში არსებული მდგომარეობა; მისხედა სოფლის მეურნეობა და ეს სპეციალისტების გადასაწყვეტია და არა რომელიმე უცოდინარი ჩინოვნიკისა.

ეს მოსაზრებები ფიქსირდებოდა შეკრებაზე სხვადასხვა გამომსვლელის მხრიდან.

– სოფლის მეურნეობის პროგრამის მსეულ ხედვაზე ისაუბრა „ქართული ოცნების“ წარმომადგენელმა, მეცნიერმა **გურამ ცერცვაძემ** და სოფლის მეურნეობის განსაკუთრებულ უპირველეს ნაბიჯად მიწის კადასტრი დაასახელა, რათა თითოეული სოფლის მიხედვით მოხდეს მისი შეფასება.

– ჟურნალისტმა **რუსუდან მეგრელი-შვილმა** ახალი ინიციატივა გააუღერა, – რამდენი ჭკვიანი ქალი ზის დღეს სახლში, საჭურთა მათი გააქტიურება, უნდა შეექმნათ ორგანიზაცია „გურული ქალები საქართველოსთვის“, რომელიც თავისი სიტყვას იტყვის ჩვენი ქვეყნის წარმატებაში.

– ქართული ენის დაცვისა და გადარჩენის აუცილებლობაზე პედაგოგმა **ლალი ბასილა-შვილმა** ისაუბრა.

– საზოგადოებას გააქტიურებისკენ მოუწოდა სამართალმცოდნე **ომარ ბაკურაძემ**.

– შეხვედრის მეორე ნაწილი არჩევნებს დაეთმო, სამოქალაქო დარბაზის ხელმძღვანელად **ზაურ კოსტავა** აირჩიეს. დასახელდა მმართველთა საბჭოსა და მრჩეველთა საბჭოს

მეგობრის სიყვარული, ტკივილად დარჩენილი

ისევ ისეთი მორთული დარბაზი, როგორც დატოვა, როცა უკანასკნელად იმღერა და ამ დღითაც გამოირჩეულად დაამახსოვრა თავი ყველას.

სიჩუმე და უსახლერო სევდა, მეგობრის გახსენება, უფრო სწორად მოფერება გარდასულ დღეთა, მაშინ, როცა მათ გვერდით იყო, მათთან ერთად იზიარებდა ცხოვრების სირთულესა, თუ სიხარულს.

ოზურგეთის შეზღუდული შესაძლებლობების მქონე პირთა სარეაბილიტაციო დარბაზში გამართული სევდიანი ღონისძიების მთავარი გმირი დათო ჟღერტი იყო, ახალგაზრდა, რომელიც ათიოდე დღის წინ



აღესრულა. მამა ბასილა პანაშვიდი გადაიხადა, მერე ვიდეოკადრებიდან მომდინარე დათუნა ესაუბრებოდა მეგობრებს, ცრემლი იყო მხოლოდ პასუხად და სიჩუმე. საკრებულოს თავმჯდომარე **აფანდილ სურგულაძემ** და გამგებლის მოადგილე **კოტე სარიშვილმა** ის სიმღერა შეასრულეს, რომელიც დათოსთან ერთად უნდა ემღერათ საახალწლო კარნავალზე. საღამოს ესწრებოდა ოზურგეთის მუნიციპალიტეტის გამგეობის აპარატის უფროსი **გოგი ინწკირველი**, რომელმაც დათოს სახელზე თავისი გიტარა აჩუქა სარეაბილიტაციო ცენტრს.

ბავშვები თავად ფიქრობენ პრობლემის მოგვარებას

სამოქალაქო განათლებისა და პედაგოგთა გადამზადების პროგრამის ფარგლებში გურიის ახალგაზრდული რესურსცენტრის ორგანიზებით 2014 წლის 30 იანვარს ოზურგეთის დემოკრატიული ჩართულობის ცენტრში გაიმართა შუალედური შემაჯამებელი კონფერენცია, რომლის მიზანი იყო 2013 წლის ივლისი-დეკემბრის სასწავლო წლის პროგრამის ფარგლებში განხორციელებული ღონისძიებების გაცნობა ადგილობრივი საზოგადოებისათვის. ღონისძიებას ესწრებოდნენ პროგრამის მიზნობრივ 33 სკოლაში მოქმედი სამოქალაქო კლუბებისა და საინიციატივო ჯგუფების წევრები, სამოქალაქო განათლების პედაგოგები, საზოგადოების სხვა წარმომადგენლები. სამოქალაქო კლუბის წევრებმა წარმოადგინეს მათ მიერ განხორციელებული პროექტების პრეზენტაციები.



ღონისძიებაზე მოხდა პროგრამის სტაჟირების კომპონენტის მონაწილე 7 მოზარდისა და მასპინძელი ორგანიზაციების დაჯილდოება. სამოქალაქო განათლებისა და პედაგოგთა გადამზადების პროგრამა ხორციელდება ინტერნაციონალ-ის მიერ ამერიკის საერთაშორისო განვითარების სააგენტოს (USAID) დაფინანსებით. გურიაში პროგრამის პარტიორია გურიის ახალგაზრდული რესურსცენტრი. გურიის რეგიონში პროექტში 33 სკოლაა ჩართული.

ბავშვების თვალთ დანახული სამყარო

ინფო ნიკოლაიშვილი



ოზურგეთის სახვითი ხელოვნების ცენტრ სურათების გალერეაში გაიმართა რიგით მესამე გამოფენა-კონკურსი „ზამთრის ვერსიაში“, რამაც მონაწილეობდა 145 მოზარდი რეგიონის სამივე მუნიციპალიტეტის სამხატვრო, თუ საჯარო სკოლებიდან. გამოფენა, რომელიც არა მხოლოდ ნახატების, მხატვრული სიმრავლითაც გამოირჩეოდა, ხელოვნებათმცოდნე ლია ურუშაძემ განხილავს.

„ყველა ბავშვი შემოქმედია, საუკეთესო და დასაფასებელი. მაგრამ კონკურსი კონკურსია და მას თავისი წესები აქვს. აქ წარმოდგენილია ბავშვთა 300-ზე მეტი ნამუშევარი, ფერწერის, გრაფიკის, ხალხური რეწვის, კერამიკის, ხელნაკეთობის ნიმუშები. დაწესდა 14 ნომინაცია ცალკე საჯარო და ცალკე სამხატვრო სკოლებისთვის. მათ შორის გალერეის რჩეული და საზოგადოება „სანთელის“ მიერ დაწესებული ნომინაცია „საუკეთესო ეთნოგრაფიული ნამუშევარი“.

გამოფენის და საერთოდ ხელოვნების მნიშვნელობაზე ისაუბრეს მხატვრებმა ვახტანგ მაძიშვილმა, ავთანდილ თავართქილაძემ, შია კვინტრაძემ, სამხატვრო სკოლის დირექტორმა კახა ვასაძემ...

გამოფენას ესწრებოდა გურიის რეგიონის გუბერნატორის მოადგილე მერაბ ჭანუყვაძე, რომელმაც გურიის საამაყო შვილები უწოდა მონაწილე ბავშვებს და შემდგომი წარმატებები უსურვა მათ.

ნომინაციები ასე განაწილდა სამხატვრო სკოლებისთვის:

- საუკეთესო ფერწერა – ბებია ხინთიბიძე; საუკეთესო ნამუშევარი – ზურაბ კალანდიაძე; საუკეთესო კომპოზიცია – ნათია ღიბიაძე; საუკეთესო თემა – ლუკა შორაღანიძე; საუკეთესო იდეა – გიორგი კონტრიაძე; საუკეთესო პლასტიკა – გიორგი გომოლაძე; საუკეთესო დეკორაცია – ნანა ბურჭულაძე

საჯარო სკოლა: საუკეთესო კომპოზიცია – მათე ღარჩია; საუკეთესო დეკორაცია – ინფო გორდელაძე; საუკეთესო ხელნაკეთი – ანა სპამპორაიშვილი; საუკეთესო ფერწერა – ძრისტინე მუჯირი; კულტურის ფონდისა და საზოგადოება „სანთელის“ რჩეული მიხეილ თავაშვილი; გალერეის რჩეული უჩა ბარამიძე.

კონკურსის გამარჯვებულებს გადაეცათ ფასიანი საჩუქრები, ყველა მონაწილეს – დიპლომები.

ლონისძიებმა სიმღერებით დაამშვენა ანსამბლ „გურიის ვირტუოზების“ წევრმა ნოდარ ღონაძემ. ბოლოს კი დიდი ტორტითა და ტაბილი სასმელებით გაუმასპინძლა გალერეა პატარა მხატვრებს.



ბუღუ დოლიკე



სოფელ თხინვალს გამოაკლდა ღირსეული მატულიშვილი, ღვაწლმოსილი ადამიანი – ბუღუ დოლიკე. კაცი, რომელიც პატიოსნებას, შრომას, სინდის-ნამუსს და საზოგადო საქმეს უპირველესად მიიჩნევდა. მან იცოდა მიწისა და ადამიანის დაკოჟილი მარჯვენის ფასი. ბუღუ დოლიკე დაიბადა 1929 წელს სოფ. თხინვალში სტუმართმოყვარეობით და შრომისმოყვარეობით ცნობილ ვერინქა და ისაკი დოლიკეების ოჯახში. იგი ბავშვობიდანვე გატაცებული იყო მინდობილი საქმისადმი დიდი სიყვარულით. საშუალო განათლების მიღების შემდეგ აქტიურად ჩაება შრომით საქმიანობაში. მალე საკუთარი ოჯახი შექმნა. შემდეგ სამხედრო

სავალდებულო სამსახურიც მოიხადა. ამის შემდეგ სწავლა განაგრძო ბათუმის სასოფლო-სამეურნეო სასწავლებელში, რომლის დამთავრების შემდეგ დაუბრუნდა მშობლიურ სოფელს და ისევ შრომითი საქმიანობა დაიწყო. ენერგიული და უნარიანი ახალგაზრდა შეუმჩნეველი არ დარჩა სოფლის ხელმძღვანელებს და იგი სულ მალე სოფლის ერთ-ერთი ჩამორჩენილი უბნის ხელმძღვანელად აირჩიეს. მისი თავკაცობით ბრიგადა მალე მოწინავეთა რიგში ჩადგა, ყოველწლიურად უფრო მეტ წარმატებას აღწევდა. ამ ბრიგადას ის ოთხი ათეული წელი ედგა სათავეში, სადაც მან მშრომელთა პატივისცემა და დიდი სიყვარული დაიმსახურა. იყო თბილი, მეგობრული, ყურადღებიანი, სხვისი გასაჭირის გულთან მიმტანი, ახალგაზრდობის აქტიური დამრიგებელი, იმედის მომცემი უკეთესი მომავლის რწმენით. ამავე დროს იგი იყო დისციპლინირებული, მომთხონი და მკაცრი. ბუღუ დოლიკის ცხოვრებას დიდი ტკივილიც ახლდა. სამხედრო სამსახურში საბრძოლო წვრთნის დროს ტრავმატული დაღუპა უმცროსი შვილი ტარიელი: შემდეგ უფროსი შვილი, ორი შვილის მამა ავთანდილი.

ორი წლის წინ მეუღლე თალიკო გარდაიცვალა. ასაკთან ერთად, ყოველივე მისი ჯანმრთელობა შეარყია.

სოფლის მეურნეობის დარგში ნაყოფიერი საქმიანობისთვის იგი დაჯილდოებული იყო საპატიო ნიშნისა და შრომის წითელი დროშის ორდენებით, მრავალი მედალით.

ბუღუ დოლიკემ თავისი განვლილი ცხოვრების გზით კაცური კაცის სახელი დატოვა. მისი უმწიკვლო ცხოვრებით, სიმართლითა და პატიოსნებით მუდამ იამაყებენ მისი შთამომავლები.

გვერდში ედექი თხინვალელთ, უსამართლობა გზარავდა, მინდობილ საქმის ყოველთვის, გულთან მიტანა გიყვარდა. სულ მოწინავე იყავი, ხარ მრავალ ჯილდოს მფლობელი, შენ ასახელები თავი და ჩვენი პატარა სოფელი. შრომით გალიე ეს წლები, ვით ღირსეული ქართველი, შენ მაგალითად დარჩები კაცური კაცის სახელით.

ნოდარ ღონაძე

ღვაწლმოსილი აღმზრდელი



შემოფარგლოს. 99 წლის ასაკში გარდაიცვალა მსოფლიო პედაგოგი, სრულიად ახალგაზრდა გოგო იყო, როცა პირველი გაკვეთილი ჩაატარა და მას შემდეგ სამუდამოდ მშობლიურ სკოლას დაუკავშირა თავისი ცხოვრება. შექმნა ლამაზი ოჯახი. მეუღლე — ოლიფანტე ტულუმი, პროფესიით პედაგოგი, მასთან ერთად წლების მანძილზე მოღვაწეობდა სოფლის სკოლაში.

აუწონავია ჭეშმარიტი პედაგოგის ღვაწლი, დღისას უტოლდება. საბედნიეროდ, საქართველოში ამის უტყუარი მაგალითები მრავლად მოგვეპოვება.

ჩვენი ქვეყანა ყოველთვის იყო უპირველესი პედაგოგების სამშობლო, რომლებსაც ღირსეულად მოიხადეს თავისი პროფესიული ვალი, აღზარდეს თაობები, რომლებმაც ღრმა კვალი დატოვეს ქვეყნის ისტორიაში.

ახლანან გაგაცლიეთ უკანასკნელ გზაზე ისეთი გამორჩეული და ღვაწლმოსილი ამაგადრი ქალბატონი, წლების მანძილზე სილაურის არასრული საშუალო სკოლის პედაგოგი — მარიამ დარჩია, რომლის ცხოვრება და მოღვაწეობა მთელია ერთი საგახეთო წერდით

პროფესიონალიზმთან ერთად მარიამ დარჩიას, როგორც პედაგოგს, ჰქონდა მისაბაძი ცხოვრება. განდლთ სავსებით მოუკრობებული მასწავლებელი, ყველასათვის მზრუნველი და მოამაგე. მისთვის ერთნაირად ძვირფასი იყო ნიჭიერიც და ნაკლებად ნიჭიერი.

ამიტომაც გააკვია მას უკანასკნელ გზაზე მისი აღზრდილების, ყველა ასაკისა და პროფესიის ადამიანის დიდი სიყვარული, გულწრფელი ცრემლი.

როზა გომიზაძე,
განათლების მუშაკთა პროფკავშირის ოზურგეთის ორგანიზაციის თავმჯდომარე.

ბურამ (ბუღუ) ლოთიაკე



სამხედრო საქმეს, შემდეგ ვაზის ტრესტში მუშაობდა და ცხოვრების ბოლო სამი ათეული წელი სასტუმრო „გურიის“ უფროსი ადმინისტრატორი იყო. იყო კაცური კაცი, უღალატო მეგობარი. ბოლომდე დახარჯა ოჯახისა და მეგობრის სიყვარულში და ჩვენ ისღა დავგვრჩენია, სამარადქამისო სასუფეველი ვუსურვოთ მას.

მეგობრები.

კიდევ ერთი მეგობარი, გამოაკლდა სამხკაცის, აძლენი გულის ტკივილით კაცმა აბა როგორ გაძლოს? ჩვენი ბუღუ, ჩვენი ძმაო, თვალში ცრემლებს ვერ ვიკაებ, შენ ჩვენს ხსოვნის სავანეში წამყვან ადვილს დიკავებ. არასოდეს დავივიწყებთ, სანამ ჩვენი გული გაძლებს, არასოდეს, არასოდეს უღალატო სიტყვას გაძლევთ.

მურმან ღუნღა.

განათლების მუშაკთა პროფკავშირის ოზურგეთის რაიონული ორგანიზაცია იუწყება მერიის საჯარო სკოლის ღვაწლმოსილი პედაგოგის ბურამ მუჯირის გარდაცვალებას და თანაუგრძნობს გარდაცვლილის ოჯახს.
განათლების მუშაკთა პროფკავშირის ოზურგეთის რაიონული ორგანიზაცია თანაუგრძნობს სილაურის საჯარო სკოლის პედაგოგს დალი კილაძეს საყვარელი ძმის ბია კილაძის გარდაცვალების გამო.
განათლების მუშაკთა პროფკავშირის ოზურგეთის რაიონული ორგანიზაცია თანაუგრძნობს ნასაკირალის საჯარო სკოლის დირექტორს მარინა ვასაძეს, მამის პრანგულ ვასაძის გარდაცვალების გამო.
ნასაკირალის საჯარო სკოლის კოლექტივი თანაუგრძნობს ამავე სკოლის დირექტორს მარინა ვასაძეს, მამის პრანგულ ვასაძის გარდაცვალების გამო და სამძიმარს უცხადებს გარდაცვლილის ოჯახს.
ოზურგეთის ყოფილი სკოლა-ინტერნატის კოლექტივი იუწყება თანამშრომლის ჯულიეტა ხინთიბიძის გარდაცვალებას და თანაუგრძნობს განსვენებულის ოჯახს.
ეთერ ფრანგულაშვილი, მარგალიტა კვაჭაძე, იური გოგოტიშვილი, ნოდარ დონაძე ოჯახებით იუწყებიან ბუღუ დოლიკის გარდაცვალებას და უთანაგრძნობენ განსვენებულის ოჯახს.
ამირან, სპარტაკ მამულაიშვილები თანაუგრძნობენ ჯულიანა ქლიფთარს მეუღლის; გუგული, ლადა, ცირა ქლიფთარს სიძის, ბია კილაძის გარდაცვალების გამო